

1. Այս աշխարհում ոչ մի բանով իմ սիրտը չուրախացավ,
 Ցավ, տառապանք ու նեղություն ինձ միայն բաժին հասավ:
 Կոտրած սրտով Քեզ եմ գալիս, աղերսում եմ, Փրկի՛չ իմ,
 Դու փարատի՛ր իմ վշտերը, մխիթարի՛ր սիրտը իմ:

Քո սերը ինձ ուժ է տալիս,
 Հույսով լցնում իմ հոգին,
 Վստահությամբ Քեզ եմ գալիս,
 Քեզ եմ հանձնում կյանքը իմ:

2. Հիմա Քեզանով եմ ապրում, էլ բնավ չեմ տխրելու,
 Ոտքերիդ մոտ միշտ խոնարհված՝ սերդ եմ վայելելու:
 Մաքրի՛ր, սրբի՛ր ինձ մեղքերից, աղերսում եմ, Փրկի՛չ իմ,
 Որ հավիտյան ապրեմ Քեզ հետ ու միշտ լինեմ Քո կողքին: